

## Verhaal.

### Vekaanzie mit Kees.


Hannes en Minoa goan al joaren mit vekaanzie noar Drenth. Kamperen in tint, dat is volgens heur het mooiste wat ter is. n Beetje primitief mor dat kin heur nait veul schelen, zai genieten der mit volle teugen van.



Zai goan in dij tied ook voak fietsen deur t mooie Drentse laand, en zain din van alles. Minoa zegt oaltied, op fiets zai ik veul meer as mit auto, en dat kin volgens Hannes ook wel kloppen want dij auto's broezen veul te haard, en omdat Minoa heur zicht nait al te best is fietsen zai mit zien baide op n tandem. Tiedens de fietstochtjes proaten ze, zingen ze, lachen ze, en kibbelen zai ook wel ais. Kört zegt zai genieten mit volle teugen.

Onderwegens nemen zai voak wel ais een pauze op n terraske mit n kop kovie of thee. Zo ook dizze keer. t Is al n poar joar leden Hannes had ter voak over, dat het hom zo schier leek ais n moal mit peerd en woagen deur Drenth te rieden, ze zagen ze voak rieden as ze mit heur baide weer op tandem zaten.

Minoa prout der nog nait zo wild van, mor op n duur har Hannes heur ook zo wied kregen, dus het mos volgens heur nou mor ais gebeuren. Zo gezegd zo gedoan. In de buurt waar ze kampeerden was n bedrief waar je n huifkar huren konden, dus zai dr mit zien baide op oaf. t Was op n zundagmirreg dat ze de huifkar veur dij woensdag besproken.



Dij woensdag waren ze al op tied te bér oet, want der mos van alles veurberaid worden. Der mos koffie mit en stoetjes, kouk slikkerij, drinken en een klaid om op te zitten tiedens t eten. Minoa had ter mor drok mit.

t Was prachtig weer, zun scheen en vogels floten dat n lust was, dus niks kon heur n mooie dag nog in de weg stoan.

Hannes ging om klokslag negen op pad om peerd en woagen op te hoalen, en dou hai bie t bedrief kwam ston t haile spul al kloar. n Mooi jentig huifkarretje mit n broen peerdje der veur. Peerdje hait Kees en is de makste ponnje van t paark